

কসাইখানায় শেক্সপীয়র

অর্ণব দত্ত

শতছিন্ন পাঁঠার ছিন্নভিন্ন শরীরটা থেকে চৰি কেটে নিয়ে গেলে
অরসিনো বলে উঠলো :
সঙ্গীত প্রেমের খাদ্য, বাজাও!
ঘচ্ ঘচ্ সুর উঠল!
সবচেয়ে নির্দয় নারী দাঁড়িয়ে সামনে নির্লোভা।
আর নির্দয় দয়ালু কসাইয়ের গলায়
দাম আর মূল্যের পঞ্চব্যঞ্জন
প্রেয়সী ঘুরছে কোথায়?
দাঁড়াও! শোনো!
ওই শুনি যেন চরণধ্বনিরে! কুঞ্জে আগল কালা!
পীতাম্বরে নিরামিষ রক্তের ছিটে জবাই করা পশুর!
আর ললাটে ভ্রমমাখা তিলকের সাথে মিশে আমার রক্ত
আর তোমার যজ্ঞ
যে যজ্ঞের আগুনে
কপাল পুড়েছিল মালভোলিওর।

১৮ পৌষ, ১৪১২

বেহালা, কলকাতা

<http://groups.yahoo.com/group/sahitya/>